




5588

GIMELIA



Rad. init Nicolaus.

Royii Petri: Ad Nicolaum Radi-
vilonem, virum illustrem Epithalamium.

PANEG. et VITAE

Polon. 4^{te}

Æ 777.

5588

W. A. D. NICOLAYAN
BANK OF AMERICA
NEW YORK
1914

THE BANK OF AMERICA
NEW YORK
1914

2
R

C
M
C
V

AD NICOLAVM
RADIVILONEM VIRVM ILLV.

strem, Epithalamium. Petro Royfio Mauro
Hispano, extemporario Autore.,.



Coniugij Deus est autor : qui iungitur vllis
Heu sine coniugijs, iungitur absq; Deo.
Iungitur absq; Deo : terræq; inuisus & astris,
Absq; Deo uiuit : occidit absq; Deo.
Occidit absq; Deo : stygias sed mersus in vndas,
Quas meruit, poenas non dabit absq; Deo.
Vixerunt vlla nam qui sine lege, caduntq;
Illos castigat non sine lege Deus.

BIBLIOTH. UNIV.



JAGELLONICAE

Cim. Qu. 5588

AD SIGISMVNDVM AVGVSTVM REGEM.

PRæsis coniugio quod, Rex Auguste, tuorum :
Elisabem iungit cum Radiuilo sibi.
Recte nempe facis : quod honoras fœdera lecti :
Vnde tibi miles, Dux sit & unde tibi,
Vnde hostes contra, tua miles castra secutus,
Dux tua, deuicto quærat in hoste decus.
Cum Moscum contra fers arma : Scythamq; fugacem :
Cumq; tibi bello Turca petendus erit.
Cum regnum proferre olim iuuat ense paternum :
Et lagellonis digna nepote facis.
Signa tua, albentemq; aquilam dum longius infers :
Et visus septem portio parua trio est.
Quos nondum natos thalami Rex præses honoras :
Dextra illi reddant præmia digna tibi.
Et dicant olim, parto olim ex hoste trophæo,
Soluimus en grates, Rex Auguste, tibi.



170015

AD NICOLAVM

RADIVILONEM VIRVM ILLV-

strem, Epithalamium, Petro Royzio Maureo
Hispano, extemporario Autore.

ELisabe, Radiuilo, tibi Sidlouia proles
Ducitur : ante omnes forma pulcherrima virgo
Sarmatides, maior laudat quas fama, puellas.
Antiquum clarumq; genus : domus inclyta si qua est
Sarmatico celebrata solo, fama;q; superba,
Hæc vna est : quæ monstrat auos, gentemq; uetustam;
Insignem factis, claram belloq; togaq;
Inde tibi sobolem quæras : soror altera magno
Tarnouio, scis, ducta uiro est : coniunxq; iugata,
Tarnouio bellis claro, quo milite sæpe,
Quo duce victores redierunt sæpe Poloni.
Hunc sibi Christophorus generum delegerat, omnes
Inter Sauromatas : omnesq; optauerat inter,
Ex hac ille domo, talisq; ex stirpe cupiuit.
Sustulit & prolem : quã iam nunc educat altis
In Regum domibus : gaudetq; assuescere Regno.
Iam tener, ætatem supra, quid sanguine refert
Esse satum claro : patris puer æmulus arma
Cogitat : & tota meditatur prælia mente.
Mars cordi & bellona magis, quam culta Minerva est:
Non pacem ignauam, non ocia segnia curat.
Scilicet ut tanta stupefactus in indole Cæsar
Inclyta miretur decoris, uelut orsa futuri
In pueroq; ducem, primisq; inspectet in annis
Confirmata æuo, quid serior adferet ætas,

Sustulit & Sophiam thalamis Tharnouius ipsdem :
Insignem forma Sophiam, quæ nomine matrem,
Quæ facieq; refert utrumq; ac ore parentem.
Parua, decem Brumas Hyemis quæ uidit aquosæ.
At multis iam optata uiris : quam quisq; iugare,
Quisq; suæ cupiat primorum adiungere genti.

Princeps Ioannes Munstembergensus ista
Christinam de gente tulit, thalamoq; locauit
Christophori cupidus post ultima fata parentis :
Tantum Christophori post funera fama parentis
Eualuit, nomenq; ingens : externus ut heros,
Ille Bœmorum satus alto a sanguine Regum
Consortem optarit lecti : atq; in parte locarit
Magnarum fortunarum, & ditionis auitæ.

Hac Nicolae tibi Radiuilo ex stirpe propaga
Hæredem : quæ te referat : Lithuania te quem
Tanquam suspiciat : colat atq; ab Rege secundum.

Hymen dulce tibi, o Hymen, Radiuilo, canatur.
Sponsa uenit : promissa tibi pulcherrima uirgo :
Elisabe, exoptata tibi pulcherrima coniunx,
Nectite uincla pares : foelices iungite dextras
Corda fide : Deus autor adest, delapsus olympo :
Cœlo delapsus coram est qui fœdera firmat :
Qui uos perpetua facit unâ lege teneri.
Qui & iubet, esse duos unum : qui corp; animamq;
Infractis stringit uinclis : compageq; cæca
Effera quam nisi mors olim, luxq; ultima soluat.

Hymen dulce tibi, o Hymen, Radiuilo, canatur.
Rex Augustus adest Hymenæi testis, & almi
Coniugij : thalamos tanto dignatus honore :
Foelices thalamos, pater & Sismundus adesset :

Ægra ualetudo lecto nisi figat : & æuum
Heu nimis inclinans, defectaq; uiribus ætas:
Et Bona matronis centum comitata latinis
Hic aderas : aderas : Bona Regum sanguis Iberum :
Sed Regis Regina tui te cura remordet :
Nec finit ire domo, lætaq; accedere tedas.

Hymen dulce tibi, o Hymen, Radiuilo, canatur.
Centum adsunt Regni procures Radiuilo, tuum qui
Concelebrant hylares Hymenæum : festaq; læta,
Læta iuuentus agit: totoq; est pectore læta.
Talia coniugia, & tales celebrare Hymenæos
Quisq; sibi, charisq; suis. atq; omnibus optat.

Hymen dulce tibi, o Hymen, Radiuilo, canatur.
Mille adsunt pulchræ magna de stirpe puellæ :
Ore rosas, niueo referentes lilia collo.
Quæ Veneri forma certent : & more, Dianæ.
Auro nexa comas dstringunt gemmea ferta :
Pallentes uiolas hæc, nigros illa corymbos,
Narcisumq; imitata, & olentes suauia flores :
Omne genus. namq; acris hyems niue contegit agros :
Constringit terrasq; gelu, glacieq; coercet.
Nec laxos aperire sinus finit aspera Bruma
Ergo, nephas, flores mentitur gemma negatos :
Grande nephas, flammans necit pro flore Pyropus
Temporaq; frontemq; aptans, crinemq; fluentem.
Sardonyches & densus Onyx, mistiq; Smaragdi

Hymen dulce tibi, o Hymen, Radiuilo, canatur.
Foelices Thalami, foelicia fœdera lecti
Sunto : rixarumq; & amaræ nescia litis.
Quoduis : hoc coniunx uelit & tu feceris illud :
Quod cupit hæc : sociusq; tori sis æquus amici :

Non dominus, namq; una caro, nam spiritus idem
Voce uir ac uxor diuina & legibus estis.
Quamuis imperiumq; uiro & tradantur habenæ :
Rector ut ille domus, & ceu palinurus in undis
Vela regat : puppimq; notis & fluctibus aptet.

Hymen dulce tibi, o Hymen, Radiuilo, canatur.

Ergo uiri coniunx non experiatur acerba
Imperia : indignasq; minas, non tristia uerba,
Corrigat errantem dictis non asper amicis.
Illa uirum facilis, monitusq; exaudiat ultro :
Iussu assueta, uiricq; resistere nescia dictis.
Non contra : primæ factum crudele parentis
Nos monet: æua, malum, stulto exaudita marito
Seq; uirumq; suum & mortales perdidit omnes.
Adiecitq; uiris canos, rugasq; seniles :
Occasumq; æui senium sæua attulit, atq;
Immortale mori fecit genus : imaq; nobis
Tartara reclusit : coelosq; & sydera clausit.

Hymen dulce tibi, o Hymen, Radiuilo, canatur.

Ecce uocat mensas uos Architriclinus ad altas :
Tympana pulsa sonant : manibus dant aurea lymphas
Vasa : dracoq; biceps gemino uomit ore liquores.
Perpetuis læti procures accumbite mensis :
Exhylarate uiri multo conuiuio Baccho.
Hoc sponū cupiunt : hoc magnus postulat hospes
Tarnouius : mensa & curas procul esse molestas
Fronte petit læta : procul ergo pellite curas.

Hymen dulce tibi, o Hymen, Radiuilo, canatur.

Sarmatici procures, & tu quoq; Sarmata pubes
Concordes optate toros : & litis iniquæ
Expertes, pax perpes eat : sint iurgia nunquam,

4
Addite Titoniq; æuū, Piliāq; senectam :
Viuat uterq; diu coniunx: petat æthera sero
Et multa sobole Lithuanas repleat arces.
Hæc interq; dapes, hæc inter poscite uina.

Hymen dulce tibi, o Hymen, Radiuilo, canatur.
Indultum satis est mensis : age læta iuuentus
Surge toris: pulchrasq; manu de more puellas
Corripe : correptasq; exerce, atq; orbibus orbes
Expedias : celeriq; gradu sola læuia pulsa :
Lætāq; concelebra choreis connubia lætis,

Hymen dulce tibi, o Hymen, Radiuilo, canatur.
Fistula concinuit : dulci & symphonia cantu
Concordes inflata sonos dedit : oreq; toto
Compleatur tuba : saltantes ac excitat uliro.

Hymen dulce tibi, o Hymen, Radiuilo, canatur.
Surge iterum : rursusq; tuam cape quisq; puellam :
Delassaq; choro : nunc hæc, nunc impiger illac.
Pulchrior hæc: culta illa magis : magis illa decora,
Hæc quærenda tibi : magis hæc, magis illa petenda.

Hymen dulce tibi, o Hymen, Radiuilo, canatur.
Parcite iam satis est, iuuenes : iam multa ruit nox
Oceano : referuntq; graues iam sydera somnos,
Ad thalamos Iuno uocat, & lucina iugales.
Fæcundos o mox thalamos, & prole beatos :
Prole, genus referat qua stirps Lithuana Polonum :
Illustresq; domo mixtos heroas utraq;
Mittat : & ingenti contingat sydera fama
Mista domus : multos olim mansura per annos.

AD EVNDEM,

Classicum, Radiuilo, iam sat : O sat
Haftenus cecinisse, sat tuosq;
Inflaris lituos : & ore toto
In prædam canis haftenus cupitam.
Venit Elisabe in manum iugata
Intrat in thalamos tuos marita.
Iam cantus, Radiuilo, iam modiq;
Mutandi tibi sunt : repente (præda est
Postq; capta) receptui canendum est.

DE ILLVSTRIS VIRI CHRIS- tophori Sidlouij filiabus,

Tarnouius Sophiam, Munstembergensius heros
Christinam, Elisabem tu, Radiuilo capis.
Christophori ne homines tantummodo pignora tollant:
Invidit, quartam & Christus in astra tulit.



